



Titulli i projektit

Zyra me një ndalesë – Bajram Curri

Tipi i projektit

Zhvillim ekonomik/ Shërbime Publike/ Projekte që mobilizohen shpejt

Vendndodhja e projektit

Bajram Curri

Buxheti i paravlerësuar

6,200,000 lekë

Përshkrimi dhe analiza e problemit/ëve

Një ndër problemet kryesore të identifikuara nga forumi i zonës funksionale Tropojë është informimi i qytetarëve dhe komunikimi efektiv dhe i shpejtë me ta, lidhur me çështje të ndryshme që qytetarët kanë me qeverisjen vendore. Informimi/komunikimi me qytetarët bëhet në format tradicionale. Bashkia Bajram Curri nuk ka një zyrë me një ndalesë ku qytetarët të informohen shpejt dhe me cilësi për çështje të ndryshme në interes të tyre.

Qëllimi/et specifik të projektit

1. Përmirësimi i informimit në kohë dhe me cilësi i komunitetit lidhur me të drejtat e tyre dhe shërbimet e Komunës.
2. Ngritje e kapaciteteve për menaxhimin dhe administrimin sa më efektiv të komunikimit me publikun.

Rezultatet e pritshme dhe treguesit

1. Bashkia zotëron dhe vë në përdorim një sistem të organizuar, centralizuar dhe digitalizuar për informimin në kohë dhe me cilësi të qytetarëve.
2. Kapacitet më i lartë i stafit në përdorimin, administrimin e të dhënave dhe ofrimin e shërbimeve të kërkuara.
3. Rritja e ndërgjegjësimit të komunitetit lidhur me çështjet e informimit, komunikimit dhe rrjedhimisht pjesëmarrjes/partneritetit dhe vendimmarrjes në qeverisje.

Përfituesit do të jenë 8000 qytetarët e Bajram Currit, si dhe pas zgjedhjeve të reja për qeverisjen lokale, 28000 banorët e zonës funksionale Tropojë.



Aktivitetet e projektit

1. Dizajnimi i Z1N, përgatitja e rregullores së funksionimit të saj.
2. Instalimi i pajisjeve teknike dhe sistemit.
3. Trajnimi i stafit mbi përdorimin dhe funksionimin e rrjetit.
4. Hedhja në rrjet e të dhënave të administrueshme nga bashkia.
5. Shkëmbim përvoje me NJQV të tjera që e kanë realizuar Z1N më parë.
6. Aktivitete ndërgjegjësuese me komunitetin mbi promovimin e modelit të informacionit.

Projekti do të realizohet për 6 muaj.

Maturimi i projektit

Projekti është në fazën e projekt-idesë. Nuk ka ndonjë projekt teknik të zhvilluar. Kosto është e përafërt, e vendosur bazuar në eksperiencat e ngjashme në NJQV të tjera.

Burimet e financimit dhe partnerët në zbatim

Burimet e financimit mund të jenë fondet publike (nga Bashkia Tropojë, apo qeverisja qendrore) dhe donatorët potencialë, si dhe organizatat jo-fitimprurëse të vendit dhe të huaja të fokusuar në fushën e përmirësimit të shërbimeve.

Në rastin e realizimit nga Bashkia, realizimi i punimeve do të bëhet nëpërmjet kontraktimit të kompanive të ndërtimit, fituese të tenderit publik të zhvilluar nga Bashkia.

Kostot e projektit

Kostoja totale e projektit është 6,200,000 lekë, duke përfshirë:

1. Dizajnimi i Z1N, përgatitja e rregullores së funksionimit të saj (1,500,000 lekë)
2. Instalimi i pajisjeve teknike dhe sistemit (4,500,000 lekë).
3. Trajnimi i stafit mbi përdorimin dhe funksionimin e rrjetit (përfshirë në 1).
4. Hedhja në rrjet e të dhënave e administrueshme nga bashkia.
5. Shkëmbim përvoje me NJQV të tjera që e kanë realizuar Z1N më parë (200,000 lekë).
6. Aktivitete ndërgjegjësuese me komunitetin mbi promovimin e modelit të informacionit.